

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Kurti: Marrëveshja për presidentin qëndron, me gjithë kundërshtimin e 6 deputetëve të LDK-së – Vizion Plus
ADRESA	https://www.vizionplus.tv/kurti-marreveshja-per-presidentin-qendron-me-gjithe-kundershti-min-e-6-deputeteve-te-ldk-se/
BURIMI	vizionplus.tv
GJENDJA	edited

KOHA


KAPUR NGA NE	6 shtator 2026, 17:51:18 UTC <i>Dritarja jonë e pasigurisë: ± 300 s — intervali me të cilin e kontrollojmë këtë burim.</i>
DEKLARUAR NGA PORTALI	2 shtator 2026, 10:15:31 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	1d7d3fb7a4597a2ce4c6ae9fa4b1d7856f9f64d5db251a9e1bda880f2aa7796f
TEKSTI	c9af9e877e773422d5b9f237b4946393e775597109e185cb4c3e01d411682e00
PAMJA	7de4c427f0bf508eff32d7103268bf02b633d356dcf96c971bef2b3bf24fbea7

ZINXHIRI I PROVËS

KJO HYRJE	c59e499ffc2bd54216b60974e94021a2b5e75926e3669f6ed879c4f991f82e72
E MËPARSHMJA	d06fe1645fa75f7da1484b2fb644647de0254cf9475e13c76de153a252be473a
RRËNJA MERKLE	—
ANKORIMI	nuk është ankoruar ende <i>Kjo hyrje nuk është përfshirë ende në asnjë pemë Merkle të dërguar. Zinxhiri i hash-eve provon rendin dhe integritetin; koha jo.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/c59e499ffc2bd54216b60974e94021a2b5e75926e3669f6ed879c4f991f82e72>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px



Albin Kurti, tha se marrëveshja per presidentin me Lidhjen Demokratike te Kosovës qëndron, edhe pasi gjashtë deputetë të LDK-së dolën kundër nominimit të Bekim Sejdiut për president.

Pas mbledhjes të Grupit Parlamentar të LVV-së, Kurti tha se të 53 deputetët mbështetën marrëveshjen me LDK-në, të bërë publike një ditë më parë.

Megjithatë, njoftimi i kreut të LDK-së, Lumir Abdixhiku, se gjashtë deputetë të tij s’e përkrasin Sejdiun, sipas Kurtit kërkon që të ketë takime të reja.

“Duhet të ritakohem me Abdixhikun edhe me kryesinë e LVV-së sepse situata ka ndryshuar krahasuar me takimin që kishim kur kishim 80 deputetë”, tha ai për gazetaret.

Duke komentuar vendimin e gjashtë deputetëve të LDK-së, Kurti i akuzoi ata se po synojnë që të shkaktojnë zgjedhje të reja – që do të ishin të katërtat parlamentare nga shkurti i vitit 2025.

“Për bindjen time të fuqishme dhe të deputetëve, e konsiderojmë të papërgjegjshme, të dëmshme, absurde këtë sjellje të këtyre gjashtë deputetëve....duket që ka dëshirë të shkojmë në zgjedhje”.

Ai tha se nuk mund të përsëritën pafundësisht zgjedhjet, duke theksuar se “rezultati nuk do të ndryshojë”.

Sipas Kurtit, kundërshtimi i deputetëve të LDK-së ka më pak të bëjë me kandidaturën e Sejdiut dhe më shumë me Qeverinë që udhëheqë ai.

Mbledhja e Grupit Parlamentar të LVV-së u mbajt pak pasi Abdixhiku

5 “Dhembja e pjekurisë mund të shkaktojë tumor”, kirurgu oral: Kur...

NEWSLETTER

Përmbledhja e ditës në e-mail

Abonohu

përfundoi mbledhjen me Grupin Parlamentar të LDK-së.

“Me keqardhje të madhe për popullin e Kosovës dhe fatin e Republikës, gjashtë deputetë të LDK kanë vendosur të mos e respektojnë vendimin e LDK-së, konkretisht Avdullah Hoti, Hykmete Bajrami, Arben Gashi, Armend Zemaj, Kujtim Shala dhe Janina Ymeri, kanë deklaruar se nuk e votojnë kandidatin e propozuar”, tha Abdixhiku në një konferencë për media.

Ai shtoi se këtë po i bëjnë dëm “të pariparueshëm gjithë procesit” dhe “pashmangshëm dhe panevojë, duke humbur një mundësi të jashtëzakonshme për Kosovën, e dërgojnë vendin në zgjedhje”.

Abdixhiku tha se ka vetëm 12 deputetë në dispozicion dhe me ta do të shkojë në sallë kur të votohet për president, duke shtuar se deri në fund do të bëhen përpjekje për numrat për presidentin.

“Unë me 12 deputetë, vetë i 12-të do të jem në sallë kur të votohet. Deri në momentet e fundit do të bëjmë përpjekje”, tha ai.

Abdixhiku tha se i kërkon falje popullit të Kosovës, që me “me gjithë vullnetin e mirë nuk po arrijmë të japim stabilitet për shkak të një politike të përcudnuar”.

“Kam munda, nuk mundem më tepër me këtë përçarje, me këtë Grup Parlamentar”, tha ai, duke shtuar se nuk e kupton zellin që të shkohet në zgjedhje.

Ai i akuzoi gjashtë deputetët që dolën kundër nominimit të Sejdiut se kanë vepruar për interesa personale.

“Shumica prej këtyre figurave kanë përvojë të jashtëzakonshme politike në LDK dhe do të duhej të kapërcenin veten. Kjo s’ka qenë garë për mua, s’ka qenë betejë me mua. Beteja me mua ka përfunduar në Kuvendin e LDK-së. Kjo ka qenë betejë për Republikën e Kosovës”, u shpreh ai.

Abdixhiku tha se do të merren masa ndaj gjashtë deputetëve, por nuk tregoi se cilat do të jenë ato.

“Do të merremi me vendime, por kjo s’është tema. Por, gjithsesi, secili njeri që s’e respekton vendimet e kryesisë dhe të organeve, më së paku duhet të ndihet përfaqësues i LDK-së. Nëse asgjë tjetër, do të duhej ta dorëzonim mandatin e deputetit”, tha ai.

Abdixhiku tha se Bekim Sejdiu do të ofronte balancë institucionale. Ai tha se refuzimi për ta mbështetur këtë kandidaturë, do të jetë “me pasoja edhe për rezultatet e ardhshme zgjedhore”.

Megjithatë, akuzave të Abdixhikut, iu kundërpërgjigjën deputetët që dolën kundër vendimit për nominimin e Sejdiut.

Deputetja e zgjedhur e LDK-së, Hykmete Bajrami, tha se ajo është zgjedhur jo për të qenë numër në Kuvend, “e as për t’ia zgjatur pushtetin Albin Kurtit”.

“Për mua është e papranueshme që sot, në emër të zgjidhjes së krizës institucionale, të bëhemi pjesë e një marrëveshjeje që ia zgjat pushtetin e koncentruar Albin Kurtit”, shkroi ajo, duke shtuar se nuk dëshiron zgjedhje të reja, por nuk mund të votojë pro një marrëveshjeje që prezantohet si “fakt i kryer”.

Një ditë më parë, deputeti i LDK-së, Avdullah Hoti, po ashtu publikisht tha

se është kundër Sejdiut, duke thënë se ai nuk pasqyron interesat parimore dhe politike të LDK-së.

Ndërkaq, pas mbledhjes të deputetëve të LDK-së, Hoti u shpreh qartë se nuk do të qëndrojë në sallë për të bërë kuroumin për votimin për president.

Ndërkaq, deputetja tjetër që ka dalë kundër Sejdiut, Janina Ymeri tha se me gjithë “pasojat për pozitën time brenda partisë” ka vendosur që të mos votojë për “zgjatjen e pushtetit” të Kurtit.

“Kandidati për president, në anën tjetër, nuk kishte as profil e as pavarësi që të sillte balancë pushteti dhe forcë ndaj kapjes nga Vetëvendosja”, shkroi ajo në rrjetet sociale.

Kujtim Shala tha se nuk ka votë për Sejdiun pasi “gjithmonë” është “kundër bashkëpunimit me Albin Kurtin”.

Këto zhvillime vijnë teksa, Lëvizja Vetëvendosje mbrëmjen e sotme po mban mbledhjen e Grupit Parlamentar për të diskutuar për çështjen e presidentit.

Qëndrimi pas mbledhjes të Grupit Parlamentar të LDK-së ishte i ndryshëm nga ai i kryesisë.

Kryesia e kësaj partie u mbledh paraprakisht gjatë ditës dhe aty u miratua marrëveshja e arritur me Lëvizjen Vetëvendosje, dhe iu bë thirrje deputetëve të saj që ta votojnë Bekim Sejdiun për president të Kosovës.

Në deklaratë, LDK-ja tha se nominimi i Sejdiut në kryesi u mbështet “me unanimitet të plotë”.

“Kryesia u bën thirrje deputetëve të Grupit Parlamentar të LDK-së që, gjatë procesit të votimit, të veprojnë në përputhje me autorizimet e Kuvendit të partisë, vendimin e kryesisë dhe përgjegjësinë që mbajnë si përfaqësues të Lidhjes Demokratike të Kosovës”, u tha në deklaratë pas mbledhjes së kryesisë së LDK-së.

Sipas vendimeve të Kuvendit partiak të LDK-së, të mbajtur në fund të korrikut, thuhej se të gjithë anëtarët, zyrtarët dhe të zgjedhurit dhe përfaqësuesit e LDK-së, “obligohen t’i respektojnë dhe zbatojnë vendimet e miratuara nga organet” kompetente të partisë.

Aty po ashtu u tha se organet partiake duhet të sigurohen që vendimet do të zbatohen dhe kur është e nevojshme “të ndërmarrin masa statutare ndaj shkelësve”.

LDK-ja tha se nominimi i Sejdiut përfaqëson “qëndrimin zyrtar dhe institucional të LDK-së” dhe është marrë në përputhje me mandatin e dhënë nga Kuvendi i LDK-së.

Prezantimi i Bekim Sejdiut si kandidat për president nga LVV-ja dhe LDK-ja u bë më 31 gusht, pas negociatave disa javëshe midis dy partive.

Për zgjedhjen e tij president kërkohet prania e të paktën 80 deputetëve në sallën e Kuvendit, i cili ka gjithsej 120 vende.

LVV-ja e Albin Kurtit fitoi 53 mandate në zgjedhjet e qershorit dhe, së bashku me deputetët e komuniteteve joshumicë, ka të paktën 61 vota, të mjaftueshme për konstituimin e Kuvendit dhe formimin e Qeverisë së re.

Me 12 votat – nga 18 deputetë sa ka LDK-ja – që Abdixhiku tha se ka, nuk arrijtë asnjëherë 80 votat për zgjedhjen e presidentit.

anëtarë praga prej 60 votash për zgjedhjen e presidentit.

Dy partitë e tjera shqiptare, Partia Demokratike e Kosovës dhe Aleanca kanë deklaruar se nuk kanë votë për kandidaturën e prezantuar nga LVV-ja dhe LDK-ja./REL

#kosove

#kurti

#Presidenti



Xhuljana Zhuleku

Gazetar/e · Vizion Plus · Redaksia e Vizion Plus.

Të gjithë artikujt

Vazhdo të lexosh

KOSOVA

Kosova me Qeveri të re! Kuvendi miraton...

Xhuljana Zhuleku · Dje 17:49

KOSOVA

Pas konstituimit të Kuvendit, Albin Kurti...

Xhuljana Zhuleku · Dje 15:26

KOSOVA

Kuvendi i Kosovës konstituohet pa PDK...

Xhuljana Zhuleku · Dje 13:37



Vizion Plus është një nga televizionet kryesore kombëtare në Shqipëri — lajme, programe, seriale dhe sport, drejtpërdrejt dhe on demand, 24 orë në ditë, kudo që je.

LIVE



Lajme

Politikë
Bota
Vendi
Kronikë
Lifestyle

Programe

Programe
Seriale
Guida TV
Video
Ekipi i Vizion Plus

Rrjeti

Rreth nesh
Karriera
Kontakt
Reklamo me ne
Dërgo lajmin tënd

Ligjore

Kushtet e përdorimit
Privatësia
Cookies
Politika editoriale

© 2026 Vizion Plus · Të gjitha të drejtat e rezervuara

vizionplus.tv

Kthehu lart ↑

Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.